


Salaata-Utubaa Islaamaa

Description

Dhugumatti Faaruun hundi kan Rabbiiti. Isa ni faarsina, ni gargaarsifanna, araarama Isa kadhanna. Sharriwwan nafsee teenyaa fi hamtuwwan hojiiwwan keenyaa irraa Rabbiin eeggamna. Nama Rabbiin qajeelche kan isa jallisu hin jiru. Nama Rabbiin jallise kan isa qajeelchu hin jiru. Rabbi Tokkicha shariika hin qabne malee haqaan gabbaramaan akka hin jirre ragaa nan baha. Akkasumas, Muhammad gabrichaa fi Ergamaa Isaa taâ€™TMuu ragaa nan baha.

Salaanni utubaa amantiiti. Namni salaata gadi dhaabee sirnaan salaate, buâ€™TMuura fi utubaa amanti isaa gadi dhaabe. Namni dhiisee immoo hundee fi utubaa amanti isaa diige. Salaanni hojii ibaadaa isa guddaa taâ€™TMee fi nama hunda irratti dirqama kan taâ€™TMeedha. Rabbiin subhaanahu wa taâ€™TMaalaa akkana jedha:

حَافِظُوا عَلَى الصَّلَوَاتِ وَالصَّلَاةِ الْوُسْطَى وَقُومُوا لِلَّهِ



â€œSalaata [shananii] fi salaata giddu-galeessaa tiikfadhaa. Ajajamtoota taatanii Rabbiif dhaabbadhaa.â€• Suuratu Al-Baqarah 2:238

Rabbiin Oltaâ€™TMaan haala wali galaatin salaata shanan akka tiikfatan, keessumayyu immoo salaata giddu-galeessaa akka eegan ajaja. Salaanni jiddu-galeessaa salaata Asriiti. Salaata tiikfachuu jechuun: waqtii, sharxiwwanii fi arkaana salaataa, kushuuâ€™TMa fi wantoota salaataaf barbaachisan hunda eegun salaatudha. Salaata tiikfachuun ibaada biroo akka tiikfatanii fi wanta dhoowwaman irraa akka eeggaman nama gargaara.[\[1\]](#)

Sadarkaan salaanni qabu guddaadha. Arkaana Islaamaa keessaa isa lammaffaadha. Akkuma beekkamu namni kamiyyu salaanni fi hojiin isaa biroo fudhatama argachuuf iimaana qabaachu fi shahaadateyni labsu qaba. Iimaana qabaachu yommuu jennu, arkaana (hundeewwan) iimaana jahanitti amanuudha. Shahaadateynin immoo â€œash-hadu an laa ilaah illallah wa ash-hadu anna muhammadan rasuulullah jedhanii ragaa bahuudha. Hiikni kanaa: Rabbiin malee haqaan gabbaramaan akka hin jirree fi Muhammad Ergamaa Rabbi taâ€™TMuu ragaa nan baha.

Sammubani.com irratti arkaana iimaanaa fi shahaadateyn ilaalle jirra. Alhamdulillah Rabbil aalamiin. Kanaafu, wanta hojiin irratti hundaaâ€™TMu erga xumurre, amma gara hojiwwan keessa hojii hundarra Rabbiin biratti jaallatamaa taâ€™TMee ilaalla. Hojiin kunis salaata.

Salaanni arkaana, sharxiwwanii fi dirqamoota qaba. Namni salaata sirnaan salaatuuf waaâ€™e salaata sirritti beeku qaba. Salaata akkuma arge kan salaatu yoo taâ€™e, salaata irraa buâ€™aa guddaa hin argatu. In sha Allah, gargaarsa Rabbiitiin ahkaama (murtiwwan) salaataa fi seera isaa ilaalchisee hanga dandaâ€™ameen kitaabota fiqhii irraa ni ilaalla. Kitaabban fiqhi hundi waaâ€™e salaata yommuu dubbatan xahaaraa irraa jalqabu. Kanaafu, nutis xahaaraa irraa jalqabuun waaâ€™e salaata barachuu fi qorachuu haa eeggallu.

Xahaaraa

Hiika Xahaaraati fi barbaachisummaa isaa

Akka lugaatti xahaaraa jechuun xurii irraa qulqullaaâ€™uudha. Akka shariâ€™aatti xahaaraa jechuun bishaanin ykn biyyeen hadasaa fi najaasa kaasudha. Kanaafu, xaharaan bakka lama gurguddaatti qoodama:

1ffaa-hadasa irraa qulqullaaâ€™u. Kuni nafa dhiqachuu fi wuduâ€™achuun taâ€™a.

2ffaa-najaasaa (xurii akka fincaani, sagaraa fi kkf) irraa qulqullaaâ€™u. Hikni kanaa: najaasaa uffataan, bakkaani fi qaamaan wal qabate qulqulleessudha.

Garaagarummaan xahaaraa kanniin lamaan jidduu jiru: kan jalqabaa qaama qofaan wal qabata, kan lammataa immoo uffataan, bakkaani fi qaaman wal qabata. Fakkeenyaaf namni salaatu tokko: jalqaba qaama ofii ni qulqulleessa, ergasii uffanni ittiin salaatu fi bakka itti salaatu qulqulluu taâ€™uu ni mirkaneeffata.




Hadasa jechuun amala qaaman walqabatuu taâ€™e kan salaata irraa nama dhoowwudha. Hadasni gosa lama:

1ffaaâ€™ Hadasa xiqqaa- kuni wuduâ€™achuun kan wal qabatuudha. Kan akka sagaraa, fincaan,

dhuufuu fi dhangalaâ€™oo qaqalaâ€™aa qaama hormaataa keessa bahu. Kunniin hundi hadasa xiqqaadha. Hadasni gosa kanaa wuduâ€™achuun qulqullaaâ€™a.

2ffaa-Hadasa guddaa-Kuni immoo qaama guutuu dhiqachuun kan wal qabatuudha. Kan akka janaabaa, haydi (laguu) fi dhiiga daâ€™uumsaa (nifaas). Kunniin hadasa guddaadha. Hadasni kuni nafa (qaama) guutuu dhiqachuun qulqullaaâ€™a.[\[2\]](#)

(Janaabaa-jechuun haala nama maniyyiin (dhangalaâ€™oon saalaa) isarra bahuu ykn wal-qunnamti saalaa raawwatuudha. Namni osoo rafuu ykn dammaqee osoo jiru maniyyin yoo isarraa bahe, janaabaa qaba jedhama. Kanaafu nafa guutuu dhiqachuu isa barbaachisa. Akkasumas, namni wal-qunnamti saalaa raawwate, janaaba qaba jedhama. Kunis nafa guutuu dhiqachu qaba/qabdi.)



Barbaachisummaa xahaaraa

1-Xahaaraan furtuu salaata fi sharxii isaa keessaa hundarra jabaa kan taâ€™eedha. Salaanni gabrichaa sirrii taâ€™uuf xahaaraan jiraachu qaba. Ergamaan Rabbii (SAW) akkana jedhanii jiru: **â€œHanga wuduâ€™atutti malee salaanni nama hadasa raawwatee (fincaane ykn sagaraa bahee ykn dhuufee) isa irraa hin qeebalamu.â€•** ([Sahiih Al-Bukhaari 135](#) fi Sahiih Muslim 225)

Salaata xahaaraan salaatan Rabbiin ol-guddisuu (kabajuu) dha. Mootii fuundura dhaabbachuun qulqullinnaan taâ€™a moo xuriin taâ€™aa? Dhugumatti, qulqullinnaan Mootii aalamaa fuunduraa dhaabbachuun kabaja Isaaf qaban agarsiisa.

2-Rabbiin subhaanahu wa taâ€™aalaa namoota of qulqulleessan akkana jechuun faarse jira:

﴿إِنَّ اللَّهَ يُحِبُّ التَّوْبِينَ وَيُحِبُّ الْمُتَطَهِّرِينَ﴾

â€œDhugumatti, Rabbiin warra tawbatan ni jaallata, warra of qulqulleessanis ni jaallata.â€•

Suuratu Al-Baqarah 2:222

Warra Masjiida Qubaaâ€™™as akkana jechuun faarse:

﴿فِيهِ رَجَالٌ يُحِبُّونَ أَنْ يَتَطَهَّرُوا وَاللَّهُ يُحِبُّ الْمُطَهَّرِينَ﴾

â€œIsa keessa dhiirota of qulqulleessu jaallatantu jira. Rabbiin warra of qulqulleessan ni jaallata.â€• Suuratu At-Tawbah 9:108

3-Najaasaa irraa of qulqulleessu dhiisun qabarii keessatti sababoota ittiin adabaman keessaa tokko: Ibn Abbaas akka gabaasetti, Ergamaan Rabbii (SAW) qabriiwwan lama biraan darban. Ergasii akkana jedhan, â€œIsaan lamaan kunniin azzabamaa jiru, [dhiisuf] wanta guddaaf kan azzabamanii miti. Tokkoffaan jettee jettee ol gadiin deema, lamaffaan, fincaan irraa of hin eegu.â€• Sahiih Al-Bukhaari fi [Sahiih Muslim](#)

Harâ€™™aaf asirratti nu gaha. In sha Allah kutaa itti aanu keessatti waaâ€™™ee najaasaa ilaalla.

Kitaabban wabii:

[1] [Tafsiir Saâ€™™diyyi](#) 106

[2] Sahiih Fiqhu Sunnah-1/70-71, Abu Maalik, Fiqhu Muyassar fii dawâ€™™il kitaabi wa sunnati-fuula 1-2, Fiqhu waadih-fuula 28, Dr. Muhammad Bakr Ismaaâ€™™il

Date Created

October 4, 2020

Author

admin